

**PEMBERITAHUAN PERTANYAAN LISAN
DEWAN NEGARA MESYUARAT PERTAMA, PENGGAL KELIMA
PARLIMEN KETIGA BELAS**

PERTANYAAN : LISAN

TARIKH : 25 April 2017

SOALAN

Puan Hajah Rahemah binti Idris minta MENTERI PEMBANGUNAN WANITA, KELUARGA DAN MASYARAKAT menyatakan usaha Kerajaan mengupaya ekonomi wanita, apakah inisiatif ataupun pakej yg disediakan oleh Kementerian bagi menggalakkan penglibatan wanita luar bandar dalam bidang keusahawanan.

JAWAPAN

Saya mohon izin untuk menjawab pertanyaan YB Senator Laksmana Tan Sri Dato' Sri Mohd Anwar Bin Hj Mohd Nor (B) bersekali dengan pertanyaan YB Senator Puan Hajah Rahemah Binti Idris bertarikh 25 April 2017 dan YB Senator Y.M. Engku Naimah Binti Engku Taib bertarikh 27 April 2017 kerana pertanyaan-pertanyaan tersebut saling berkait. Kerajaan secara amnya dan Kementerian Pembangunan Wanita, Keluarga dan Masyarakat secara khususnya amat komited dalam usaha-usaha untuk membantu golongan wanita terutamanya diluar bandar bagi membantu meningkatkan kualiti kehidupan mereka terutamanya dalam bidang ekonomi. Bagi meningkatkan penyertaan wanita dalam perniagaan dalam talian, Kementerian ini melalui Pejabat Pembangunan Wanita Negeri telah melaksanakan kursus dengan kerjasama CENTRE e-Dagang dan One SSM yang membantu Ibu-ibu tunggal untuk menjadi usahawan Online. Kementerian akan meneruskan kerjasama dengan agensi-agensi berkaitan dalam memberikan pendedahan kepada golongan sasar untuk maju di dalam bidang perniagaan Online. Bilangan usahawan wanita yg terlibat dalam perniagaan atas talian (online) di negara ini yang berdaftar sehingga 31 Mac 2017 adalah seperti berikut: (a) Jumlah wanita sebagai pemilik perniagaan dan pemegang saham syarikat yang terlibat dalam perniagaan online:- BUTIRAN ORANG Jumlah Wanita Sebagai Pemilik Perniagaan Online (di bawah Akta Pendaftaran Perniagaan 1956) 17,969 Jumlah Wanita Sebagai Pemegang Saham Syarikat Yang Terlibat Dalam Perniagaan Online (di bawah Akta Syarikat 2016) 1,104 JUMLAH 19,073 *tidak termasuk perkongsian liabiliti terhad (b) Jumlah wanita sebagai pengarah syarikat yang terlibat dalam perniagaan online: 1,124 orang Bagi menggalakkan penyertaan wanita dalam perniagaan atas talian, kerajaan dengan kerjasama Suruhanjaya Syarikat Malaysia (SSM) telah dan akan terus menganjurkan pelbagai program bagi meningkat serta menggalakkan penyertaan orang ramai dan usahawan untuk mendaftarkan perniagaan online mereka dengan SSM. Dalam skop untuk menggalakkan pendaftaran perniagaan online yang melibatkan usahawan wanita melalui Karnival Online Networking Entrepreneurs (ONE) SSM telah bekerjasama dengan pelbagai pihak untuk mendapat penyertaan usahawan wanita dan ini termasuk Persatuan Peniaga dan Penjaja Kecil, Persatuan Hawa Pertiwi Selangor, Jabatan Pembangunan Wanita dan sebagainya. Penganjuran Karnival ONE SSM bagi tahun 2017 seperti di bawah: BIL TEMPAT TARIKH i. Plaza Angsana, Johor Bahru, Johor 31 Mac -1 April 2017 ii. Karnival ONE SSM, Pulau Pinang 19-20 Mei 2017 iii. Karnival ONE SSM, Sabah 29-30 September 2017 iv. Karnival ONE SSM, Melaka 27-28 Oktober 2017 Selain itu, Program eUsahawan adalah merupakan sebuah inisiatif yang dilaksanakan oleh MDEC bermatlamat untuk membantu rakyat menjana pendapatan tambahan secara digital. Program eUsahawan ini disasarkan kepada golongan usahawan muda di kalangan pelajar TVET dan usahawan mikro. Program ini memberi ilmu dan tunjuk ajar kepada usahawan belia dan usahawan mikro dalam menggunakan platform digital dan media sosial sebagai medium untuk menjana pendapatan dan meningkatkan jualan. Ia disampaikan dalam bentuk kursus yang dijalankan di pusat-pusat Institusi Pendidikan dan Latihan Teknikal dan Vokasional (TVET) awam yang terpilih di seluruh negara. Antara ilmu dan teknik keusahawan digital yang diajar merangkumi topik-topik seperti social media marketing, mobile commerce, analisis data untuk memperbaiki keberkesanan pemasaran secara digital, bayaran di atas talian, pengiklanan digital dan juga keselamatan siber. Sehingga Disember 2016, seramai 51,203 individu dari kalangan pelajar TVET dan usahawan mikro telah mengikuti kursus eUsahawan yang mana dari jumlah tersebut seramai, 30,152 adalah daripada kalangan wanita. Daripada jumlah yang telah mengikuti kursus ini, seramai 9,485 usahawan muda dan mikro wanita telah berjaya menjana pendapatan tambahan keseluruhan sejumlah RM27.3 juta. Kementerian sentiasa memberi komitmen untuk meningkatkan penglibatan wanita dalam pembangunan negara terutama wanita miskin dan ibu tunggal agar mereka dapat menjana pendapatan sendiri. Oleh yang demikian, latihan di peringkat awal akan diberikan kepada para wanita yang berpotensi untuk dibangunkan sebagai usahawan melalui program-program yang dijalankan oleh KPWKW ataupun melalui kerjasama dengan Kementerian/agensi lain bagi membantu mereka menambah pendapatan. Setelah peserta yang dilatih berjaya menjana pendapatan dan berjaya keluar dari kepompong kemiskinan, Kementerian akan membantu pula para wanita ini untuk mengembangkan kemahiran (upskilling) dengan pendekatan NBOS bersama agensi-agensi sedia ada yang menjalankan program pembangunan usahawan.

Selain itu, KPWKM juga turut bekerjasama dengan agensi-agensi kerajaan yang lain bagi memastikan peserta yang telah dilatih tersebut mempunyai sijil bagi memastikan mereka diiktiraf selaku usahawan. Antara kursus dan bantuan yang diperuntukkan bagi golongan ini adalah: 1. Bantuan Latihan dan Perkembangan Perniagaan: 1.1. Program Inkubator Kemahiran Ibu Tunggal (I-KIT); 1.2. Program Inkubator Keusahawanan Wanita (I-Keunita); 1.3. Program Bazaar Wanita; 1.4. Program Mamacare Justeru itu, Kementerian Pembangunan Wanita, Keluarga dan Masyarakat juga, melalui Jabatan Pembangunan Wanita, menjalankan program Inkubator Kemahiran Ibu Tunggal (I-KIT) dan Inkubator Keusahawanan Wanita (I-KeuNita) yang kini dikenali dengan nama Development of Women Entrepreneurs Initiative (DEWI) merangkumi bidang seperti jahitan, kecantikan, kesihatan dan pembuatan pastri. Program I-KIT dan I-KeuNita atau DEWI ini menggunakan konsep inkubator atau hand holding (latih dan bimbing) di mana peserta akan diberikan latihan kemahiran dan penyeliaan yang rapi agar mereka mampu menjana pendapatan dan meningkatkan kualiti hidup mereka sekeluarga berbekalkan pengetahuan dan kemahiran yang diperolehi. Program ini dilaksanakan di seluruh negara menerusi Pejabat Pembangunan Wanita Negeri (PPWN), Biro Wanita Sarawak (BWS) dan Jabatan Hal Ehwal Wanita Sabah (JHEWA). Keutamaan bagi menyertai program DEWI ini adalah kepada ibu tunggal dan wanita yang dikategorikan sebagai miskin dan miskin tegar di dalam sistem e-Kasih serta penerima bantuan kebajikan JKM. Selain itu terdapat juga program-program yang disediakan oleh kementerian ini secara NBOS dengan agensi berkaitan untuk menggalakkan penglibatan wanita terutamanya diluar bandar dalam bidang keusahawanan seperti program Bazar Wanita yang memberi peluang kepada usahawan wanita untuk menambah pendapatan hasil perniagaan mereka di pasar-pasar tani dan di Rural Transformation Center (RTC) yang terpilih. Semua program yang dilaksanakan akan diteruskan dan dipergiatkan bagi membantu meningkatkan taraf ekonomi terutama kepada wanita luar bandar dalam bidang keusahawanan. Kementerian juga melalui Jabatan Pembangunan Wanita akan berkerjasama dengan Pihak MARA bagi mendapatkan pinjaman DanaNita, khusus buat wanita dan Ibu Tunggal yang ingin memulakan perniagaan sendiri. Bagi Wanita dan Ibu Tunggal yang memerlukan bantuan sokongan perniagaan, bantuan 1 Azam menerusi NKRA di Kementerian ini telah mengeluarkan 573 bantuan berupa mesin jahit, mesin membuat kuih-muih, burger, ice blended dan peralatan perniagaan yang lain bagi tempoh 2015-2016. Bantuan yang diteruskan sehingga kini telah membantu ramai golongan wanita dan Ibu Tunggal mencapai impian untuk bergelar usahawan.

